

Broj: 01-9064-2/25

Datum: 20.10.2025. godine

PARLAMENT FEDERACIJE BiH
PREDSTAVNIČKI/ZASTUPNIČKI DOM
Hamdije Kreševljakovića br. 3
71000 Sarajevo
n/r Dragan Mioković, predsjedavajući
n/r Mirza Čelik, zastupnik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-10-2025			
Org. jed.	Broj	Priloga	Vrijednost
05/1	- 02 -	569	/25

VLADA FEDERACIJE BiH
Hamdije Čemerlića br.2
71000 Sarajevo
n/r Edita Kalajdžić, sekretar

PREDMET: Odgovor na zastupnička pitanja Mirze Čelika - dostavlja se

Poštovani,

u svezi s vašim aktima broj: 05/1-02-569/25 od 06.10.2025. godine i broj: 03-04-1150-2/25 od 08.10.2025. godine, dostavljamo vam odgovore na zastupnička pitanja:

1. Ko su bila imenovana lica - članovi komisije za javnu nabavku u ovom postupku?

Imena članova povjerenstva za javnu nabavu u predmetnom postupku dostupna su na web stranici JP Autoceste FBiH d.o.o. Mostar, a imenovani su na temelju članka 13. Zakona o javnim nabavama („Službeni glasnik BiH“, br.: 39/14, 59/22 i 50/24), članka 3. Pravilnika o uspostavljanju i radu povjerenstva za nabave („Službeni glasnik BiH“, broj: 103/14 i 49/23), te članka 15. Pravilnika o javnim nabavama JP Autoceste FBiH d.o.o. Mostar broj: NO.1.01-3837-12/23 od 12.06.2023. godine.

2. Ko je konkretno pripremao predmetnu tendersku dokumentaciju?

Predmetnu tendersku dokumentaciju pripremali su članovi povjerenstva.

3. Ko je i na koji način definisao uslove iz tačke 7.4.1 i 7.5. tenderske dokumentacije?

Uvjete iz tačke 7.4.1 i 7.5 tenderske dokumentacije definirali su članovi povjerenstva na temelju Zakona o javnim nabavama, Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15), Uredbe o uređenju gradilišta, obveznoj

dokumentaciji na gradilištu i sudionicima u građenju (Službene novine Federacije BiH, br.: 25a/22, 42/22, 93/22 i 33/24) i ostalih zakonskih propisa, stručnih normativa i standarda koji su relevantni za ovu vrstu radova.

- 4. Zbog čega se u ovom tenderu kao uslov postavlja da je dovoljno da samo jedan član konzorcija posjeduje licencu za izvođenje radova, dok se u drugim tenderima JP Autocesta zahtijeva da svi članovi konzorcija moraju posjedovati odgovarajuću licencu?**

Obveza posjedovanja licence ili ovlaštenja ovisi od predmeta nabave i važećih propisa. U ovom postupku tenderskom dokumentacijom je zahtijevano da ponuđač samostalno ili kao član grupe ponuđača ili putem podugovarača posjeduje Rješenje i ovlaštenje Federalnog ministarstva prostornog uređenja za obavljanje djelatnosti izvođenja radova elektrotehnike (telekomunikacija). S obzirom na to da predmet nabave, osim radova elektrotehnike, obuhvaća i pripremne, zemljane, betonske i druge radove, nije opravdano zahtijevati da svi članovi grupe ponuđača posjeduju ovlaštenje za izvođenje radova elektrotehnike, ako pojedini članovi izvedu samo druge vrste radova. Cilj formiranja grupe ponuđača jeste upravo omogućavanje dva ili više ponuđača kako bi zajednički dostavili ponudu u postupku nabave.

- 5. Da li je ovakav uslov uveden s ciljem da se zadovolji i udovolji samo jednoj ili uskom krugu firmi koje ispunjavaju ovako specifične kriterije?**

JP Autoceste FBiH d.o.o. Mostar posluju transparentno i u skladu sa zakonskim propisima koji uređuju predmetnu oblast. Ni u jednom pa tako ni u ovom postupku JP Autoceste FBiH d.o.o. Mostar nisu pogodovala jednoj firmi ili uskom krugu firmi koje ispunjavaju uvjete zahtijevane tenderskom dokumentacijom. Nadalje, JP Autoceste FBiH d.o.o. Mostar osigurale su pravičnu i aktivnu konkurenciju među ponuđačima, uz ostvarivanje jednakog tretmana, nediskriminacije i transparentnosti u cilju najefikasnijeg korištenja javnih sredstava u vezi s predmetom nabave i njezinom svrhom.

S poštovanjem

Direktor



Denis Lasić

Dostaviti:

- Naslovu
- a/a

